



CAHAYA
SOCIETY
EDUCATION FOR ALL

W A R T A C A H A Y A

AUGUST
2025

SIAPA KAMI?

Cahaya Society ialah organisasi yang berdaftar dengan Jabatan Pendaftaran Pertubuhan Malaysia sebagai Pertubuhan Pendidikan Anak Cahaya Sabah.

Ditubuhkan pada Januari 2019 dan berfokus pada kepada advokasi pendidikan alternatif untuk anak-anak tanpa negara, kebajikan sosial dan pemberdayaan komuniti di Sandakan, Sabah.

Selain itu, Cahaya Society juga aktif dalam menerbitkan karya dan tulisan tempatan di laman rasmi menerusi ruangan Arkib Cahaya bagi mengangkat apresiasi terhadap tulisan sama ada berbentuk ulasan buku, reviu filem, puisi, mahupun cerpen.

Demi Pendidikan,

Merdeka!



BIKIN APA?



Sesi Libat Urus Mengenai Kajian Kebolehlaksanaan Tribunal Asasi Manusia di Malaysia

Cahaya Society telah menyertai sesi pertemuan bersama rakan-rakan organisasi masyarakat sivil di Sabah dan memberikan input bagi memastikan komitmen Malaysia terhadap hak asasi manusia dalam negara.



Cubism Painting Art Workshop-Sekolah Alternatif

Cahaya Society bersama Kelab Alumni Cahaya telah menjelajah Pusat Pembelajaran Alternatif bagi menjalankan bengkel seni cubism painting sebagai usaha merayakan ruang selamat, kreativiti, ekspresi, dan terapi psikososial melalui seni.



SABAH SE CATCH-UP SERIES: CAHAYA SOCIETY

Cahaya Society merakamkan penghargaan kepada Sabah Creative Economy and Innovation Centre serta Institut Keusahawanan Negara atas ruang pertemuan dan perkongsian bersama usahawan sosial tempatan.



Green ICT Bootcamp 2025-Move Now dan Allianz Global

Cahaya Society telah terlibat dalam Green ICT Bootcamp 2025 dengan sokongan Move Now dan Allianz Global Sustainability pada 15-17 Ogos 2025 di Gilwell Scouts Nature Park, Sandakan, Sabah sebagai usaha memperkasa kesedaran kelestarian dan teknologi hijau.



Jom Xcess 2025 SME Bank

Garaj Cahaya dibawah naungan Cahaya Society mengambil peluang mengikuti ceramah Jom Xcess anjuran SME Bank bersama rakan perniagaan yang lain. Sesi ini memberi pendedahan yang bermanfaat berkaitan akses kepada peluang pembangunan perniagaan dan sokongan yang ditawarkan oleh pihak SME Bank. Terima Kasih atas jemputannya.



Program Penghijauan Dan Pembudayaan Lestari 2.0 MPS Sandakan

Cahaya Society telah menyertai Program Penghijauan dan Kelestarian anjuran Majlis Perbandaran Sandakan (MPS). Penyertaan ini bertujuan menyokong usaha pemeliharaan alam sekitar serta meningkatkan kesedaran masyarakat terhadap kepentingan kelestarian. Melalui program ini, Cahaya Society terlibat secara aktif dalam aktiviti penanaman pokok dan juga gotong royong sekitar kawasan kampung Sim-sim, Sandakan.



Garaj Cahaya- Program Penghijauan Dan Pembudayaan Lestari 2.0 MPS Sandakan

Garaj Cahaya mengadakan sesi bengkel seni cubism serta membuka Booth Garaj Cahaya sebagai ruang pameran dan perkongsian bersama komuniti bagi Program Penghijauan dan Kelestarian Alam anjuran MPS Sandakan.



Liga Futsal Alternatif 2025(LFA)

Cahaya Society telah menganjurkan Liga Futsal Alternatif sebagai platform pembangunan bakat, pengukuhan semangat berpasukan, dan usaha memperkukuh jaringan komuniti dalam kalangan pelajar pusat pembelajaran alternatif pada 29 August yang lalu.



Outreach Prihatin Kesihatan

Cahaya Society menjalankan outreach memberi penerangan berkaitan vaksin Measles & Rubella yang akan diberikan secara percuma kepada anak-anak Pusat Pembelajaran Alternatif

BIKIN APA?




Youth Socioeconomic Programme-Embroidery

Peserta Youth Socioeconomic Program (YSP) kini memasuki kelas jahitan sulaman tangan sebagai sebahagian daripada usaha membina kemahiran, meningkatkan kreativiti, dan membuka peluang keusahawanan.



Aktiviti Latihan-Dalam-Kumpulan: menulis sebanyak mungkin tentang makanan sedap di Malaysia dan tempat Seronok di Malaysia

Aktiviti ini telah memberi ruang kepada anak-anak untuk meneroka, bercerita, berimajinasi dan berangan-angan. Walaupun terdapat limitasi serta isu pengabaian yang masih belum diselesaikan sepenuhnya, mereka tetap menunjukkan keupayaan untuk memasuki ruang imaginatif, mengekspresikan diri, serta membina cita-cita dan impian sebagai kanak-kanak.



Kelas Asas Literasi Digital

Anak-anak Cahaya menerusi Literasi Digital didedahkan kepada mekanisme penggunaan peranti digital secara efektif dan informatif. Mereka melaksanakan tugas mengumpul maklumat tentang sumbangan tokoh pemimpin dunia dan membentangkan hasil dapatan. Keseluruhan proses pembelajaran dilaksanakan dengan memanfaatkan ruang digital sebagai medium akses kepada informasi.



Lakarya Merdeka: Sambutan Hari Kebangsaan.

Aktiviti ini melibatkan sesi mewarna Jalur Gemilang sebagai simbol kebanggaan terhadap bendera tanah air, di mana anak-anak Malaysia yang lahir di negara ini turut menyertainya. Aktiviti ini sekaligus menyemarakkan semangat kemerdekaan dan kecintaan kepada negara dalam diri anak-anak Cahaya.



CERITA DARI BAWAH

Outreach vaksinasi ke Pusat Pembelajaran Alternatif yang terdiri daripada anak-anak rentan untuk program vaksinasi bersama KKM pada September 2025.

Cahaya Society konsisten menyatakan pendirian bahawa semua kanak-kanak wajib dilindungi dan selamat daripada sebarang bahaya dan penyakit berjangkit. Ini selaras dengan semangat Konvensyen Mengenai Hak Kanak-Kanak yang menjamin hak kanak-kanak untuk mendapat perlindungan.

Menerusi Prihatin Kesihatan, kita sentiasa menyokong inisiatif vaksinasi dan partisipasi komuniti rentan untuk membina perlindungan kesihatan kolektif dalam masyarakat.

Outreach kita adalah mendapatkan keizinan ibubapa/penjaga pelajar untuk program vaksinasi di samping memberikan penerangan dengan laras bahasa dan komunikasi yang community-friendly.



BULAN DEPAN, BIKIN APA?

W A R T A C A H A Y A

MerdekaRia 2025

Program tahunan yang menampilkan bakat anak-anak Pusat Pembelajaran Alternatif dalam menyambung semangat kemerdekaan Malaysia.

Vaksin Measles & Rubella

KKM dengan kerjasama Cahaya Society akan menjalankan program vaksinasi menyasarkan anak-anak Pusat Pembelajaran Cahaya.

Webinar Cahaya

Perkongsian berkaitan bentuk pembelajaran Bahasa Inggeris dalam kalangan komuniti rentan di Sabah yang akan dikendalikan oleh Hafiz Anuar (Associate of Cahaya Society)

GARAJ CAHAYA



GRAB YOURS NOW:



W A R T A C A H A Y A



IMBAS UNTUK
DAFTAR
AHLI

TERIMA KASIH!
MAGSUKUL!

Pertubuhan Pendidikan Anak Cahaya Sabah

8603686012 (CIMB Bank)



CAHAYA ENTERPRISE-QR

"Pendidikan Untuk Semua"

cahayasociety.org
cahayasociety@gmail.com
089 666 915